



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber dissencionum archiepiscopi Coloniensis et Capituli Paderbornensis

Dietrich <von Engelsheim>

Münster, [1893-1897]

92. Privilegium, quo episcopus Coloniensis impignoravit officium
marscalatus, suam partem Kogelenberg et Lude.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

8. Item dat he noch geve de twehundert guldene to dem buwe des domes, de he lovede to geven, do de grote wint den domtorne tosloch unde dat bligh wal halff affweigede unde groten drepliken schaden dede.

9. Item dat he uns geve vifteynde halfhundert guldene, de he sculdich wass heren Wedekinde Spegel, domprovest; de an uns kemen, so he intestatus starff, des wy unses heren besegelden bref hebben, darup eme gegeben.

10. Item seshundert guldene, de van heren Lodewige van Rostorpe kemen an dat kapitel.

11. Item seshundert gulden, de dat stichte van Paderborn an dem Kogelenberge hevet.

12. Item dat he dem stichte Meiderike wedder buwe, dat de van Volkmarsen braken.

13. Item achtehundert guldene, ut in litera desuper confecta continetur, statim infra descripta.

14. Item twetusend guldene, ut in copia litere infra descripte continetur.

Copia litere Frederici, episcopi Coloniensis super impignoracionem officii marscalcatus et certorum castrorum et opidi Lude episcopo Paderbornensi et sue ecclesie.

Von dem Originale im Königl. Staatsarchiv Münster. Fürstenth. Paderborn Caps. 102. Nr. 61 Littr. M; mit dem ziemlich gut erhaltenen Siegel des Erzbischofs.

In der Handschrift in niedersächsischer Mundart wiedergegeben.

92. Wir Friderich, van Goitz genaden, der heiliger
1377 kirchen zu Colne ertzebusschof, des heyligen Roymsschen
5. Febr. Rychs in Italien ertzekenceller, hertzoge van Westfalen
ind van Enger, dun kunt allen luyden, dat want der

erwerdige in Goide vater, unsser alreliefste herre ind oyme, her Cune, ertzebusschof zu Triere, unssers gestichtz vur zyden rechte mumper, ind unse capittel zu Colne dem erwerdigen in Goide vater, hern Henriche, busschove zu Paderborne, unsssem lieven vrunde, unsere slosse, lande ind luyde unsers Marschalksamptz zu Westfalen mit yren zubehoren bevoylen ind vur eyne summe geltz versatzt hatten, ind yme ind syne gestichte eyn deil unser slosse in demselven unsem lande ind marschalksampte zu Westfalen vur alle gebrech, die an bezalinge der summen geltz ind anders gevallen mochte ind mit huldigen dar zu geantwordt hatten na inhalt sulcher brieve, die derselve her Henrich, buschoff ind syn capittel zu Paderborne van dem egenanten unserm heren, dem ertzebuschoff van Triere ind unsem capittel van Colne vurschreven dar oyver besigelt hant, so bekennen wir vur uns, unse nakomelinge ind gestichte van Colne offentlich, dat wir dieselven unse lant ind marschalksampt weder zu uns genomen ind eyne andern von unsern wegen zu bewaren bevoylen han, ind des gelds, dat sy an dem lande ind marschalksampte vurschreven lyghende hatten, yn vunffdusent ind sesshundert guldenen bezalet han, ind blyven yn der summen gelds noch schuldig tzweydusent ind vierhundert guldenen ind vunffhundert guldenen, da sy Luyde vur hant geloist, ind eichthundert guldenen, die wir yn ouch van rechter schult sunderlingen van des marschalkamptz wegen schuldich syn, dat synt zusammen drudusent ind sievenhundert guldenen, guyt van golde ind swair van gewichte, of yr weert dar vur an anderm gudem paymente, as zuer zyt der bezalinge in unser muntze zu Soyst genge ind geve is. Dar vur wir yn dieselven unse slosse, mit namen unsen deil der stat zu Luyde, den Cogelenberg ind dat sloss zu Almene mit alle yren zubehoringen, wie die geheissen,

ind wa die gelegen sint, als sy die zuvur mit andern slossen zu underpande hatten, gelaissen, verbunden ind versatzt han. Also dat die vurgeschrevene her Henrich, busschoff zu Paderborne, syne nakomelinge ind capittel die slosse mit allen yren rechten und zubehoren vor die summen vurgeschreven sementlichen behalden sullen, as lange bis wir, unse nakomelinge oder gestichte yn die summen vurschreven gentzlichen widergeven ind bezalen an den steden, as die brieve vurgeschreven ynnehaldent. Vort so mugen wir, unse nakomelinge ind gestichte uns uyss den vurgeschrevenen slossen behelpen wider alremellich, die unse vyande nu sint, of hernamails werden mugen, uyssgenommen die vurgeschrevene busschoff ind gesticht van Paderborne, ind yn behalden der pandschaff vurschreven, da vur yn die vurschrevenen slosse steent verbunden. Vort want yn in den brieven georlovet was ind ist, dat sie eyne summe geltz an den slossen verbuwen moechten, so ist unse wille ind oirloven yn, dat sy vunfhundert guldenen mit dem, dat an dem Cogelenberge ytzund verbuwet is vort in guder rechenschaff verbuwen mugen an den slossen vurschreven, so wa des alremeist noit is. Vort want demselven hern Henriche, busschoff ind syne capittel georlovet was, wat der vurschrevenen unser slosse versatzt were, dat sy die loysen muchten, ind als wir Johan Raven, ritter ind die andere Revene, syne neven, die gelt an unsem slosse zume Cogelenberge lyghende hatten, ind hant na inhalt der brieve an sy gewyst hatten, also wysen wir sy noch an sie ind heisschen, dat sie dieselven hern Henrich, syne nakomelinghe ind capittel zu loysen staden ind stain, als sy uns ind unsme gestichte schuldig weren ind syn. Ind wat sie des gelds van der loyse uyssgeven, dat sullen wir, unse nakomelinghe oder gestichte yn mit der andern summen wider geven ind bezalen zu guder

rechenschaff. Vort sullen die egenompten brieve, die sy van unsem herren, dem ertzebusschoff van Triere ind unsem capitle van Colne vurschreven besigelt hant, in aller macht ind moge blyven zu den puncten ind artielen, die in desen brieven begriffen sint also lange bis yn die summe geltz vurschreven wirt bezalet oder bis dat wir vur alle die puncte, stucke ind article hy inne begriffen yn nuwe brieve, da sy wale ynne bewaert syn, mit unsem ind unses capittels van Colne ingesegel besigelt, dar oyver gegeben. Ind wanne wir yn die also gegeben han, so sullen sy uns die yrsten brieve widerantworten ayn argelist ind geverde. Alle dese vurschrevenen puncte, stucke ind artikle han wir Friderich, ertzebusschoff zu Colne vurschreven gelovet ind geloven in guden truwen vur uns, unse nakomelinghe ind gestichte, den vurschrevenen hern Henrich, busschoff, synen nakomelingen ind gestichte van Paderborne stede ind vaste zuhalden sunder argelist. Des zu urkunde so han wir unse insigel an desen brieff dun hangen, die gegeben is in den iaren unss heren dusent dryhundert sieven ind sieventzich up sent Agathen dach, der heiliger iuncgfrouwen.

Copia cuiusdam specialis articuli de quadam litera super
marscalcatum.

In nomine Domini amen. Wyr Cono, van Godes
genaden ertzebisscop to Treere ect. . . .

Vort want de vorgeschreven bysschop van uns unde
des gestichtes van Colne wegen to unsen unde des vor-
geschreven capitels van Colne beden unde geheysse dat
vorgeschreven marscalksampt gelost hait van dem edelen
manne Goderde, greven to Arnsberg, wanne was,¹⁾ umb
eyne summen geldes van echtdusent guldene, gut van

93.

ohne
Datum.

¹⁾ solange er lebte.